

Bilten: Informativno glasilo Bošnjačkog Islamskog Centra Hamilton, Ontario, Kanada

Broj 60

Oktober 2013/Zul-hidždže 1434 H.G.

Bajramska čestitka Izvršnog i Nadzornog odbora

Pomozimo jedan drugog unutar naše zajednice, pomozimo našu braću i sestre širom svijeta, pomozimo naš historijski i najznačajniji projekat izgradnje džamije na mjestu gdje do sada nije bilo islamskog centra. Budimo onakvi, kako Kuran časni od nas traži, požrtvovani, dobročinitelji, jer pojam vjernika podrazumjeva akciju dobročinstva. Neka naši blagdani Kurban-bajrama proteknu u duhu islamskih vrijednosti, umjerenosti srednjeg puta i isticnju blagoslova vjere i dobročinstva. Jedinstven simbol hadža je neophodan

muslimanima radi svojih duhovnih i kulturnih vrijednosti, jedinstvo na univerzalnim ljudskim vrednostima potrebno je građanima svih vjera. Kurban i požrtvovanost temelj su dobrog djela prema drugima. U tom svjetlu Bajrama, mubarek olsun svim članovima naše zajednice i svim muslimanima svijeta. Neka i ova kurbanska žrtva bude dostojna, kako bi svaki član naše zajednice i svaki musliman, pojedinačno i u porodici, dočeka Kurban-bajram u miru, zadovoljstvu, slozi i ljubavi.

Bajram-namaz

Bajram namaz će se klanjati u utorak 15. oktobra 2013. sa početkom u 8:30 AM u Armeniskoj sali na adresi 191 Barton Street, Stoney Creek. Sabah namaz će se klanjati u 7:00AM.

Molimo Vas da sa sobom ponesete sedžade.

Bajramsko sijelo

Tradicionalno bajramsko sijelo se održava u subotu 19. 10. 2013 sa početkom u 7 sahata poslije podne u Armenijskoj sali na 191 Barton Street, Stoney Creek (preko puta naše džamije).

Uz odličan sastav Žute Dunje i bogatu bajramsku večeru dođite i povedite vaše prijatelje na bajramsko druženje.

Bajramska čestitka Imama

•••

Draga braću i sestre u Islamu!

U povodu nastupajućih bajramskih blagdana šaljem

Vam iskrene selame i bajramske čestitke da ovaj mubarek blagdan provedete na najljepši način, u duhu islamskih propisa i naše lijepe tradicije, sa članovima svoje familije, prijatelja i rodbine. Dani Hadži bajrama ili Kurban bajrama su dani žrtvovanja i odricanja; pa zbog naše i Vaše spremnosti na žrtvu i odricanje imamo puno pravo da se radujemo i nadamo da će nam Allah dž.š. pomoći, smilovati se i nagraditi nas, ako Bog da.

Bajram je dan kada se svi radujemo i veselimo, kada zajednički klanjamo bajram namaz, obilazimo familiju, prijatelje i rodbinu, i kada se radost u tim danima osjeća na našim licima i u našim dušama.



Radovi na novoj džamiji



Izvršni odbor obavještava članove naše zajednice da radovi na izgradnji naše džamije i islamskog centra idu predviđenom dinamikom u skladu sa prilovom sredstava. Draga braćo i sestre, naš novi islamski centar, naša nova džamija bit će naša druga kuća, dom za molitvu i obavljanje vjerskih dužnosti, ali i mjesto okupljanja, razgovora, mjesto za porodično i prijateljsko druženje i međusobno upoznavanje. Naša džamija će biti naša poveznica s ovom zemljom. **Zato naša zajednica sada treba potpunu mobilizaciju i pomoć svih nas.** Izgradimo naš zajednički domu u kome će obitavati duh naše zajednice. Neka Allah blagoslovi našu zajednicu i njene članove. Neka nam podari berićeta u našim poslovima izgradnje džamije i iskrenosti u našim namjerama. Bože učini blagoslovljenim radove na

našoj Božijoj kući i primi naš trud. Molimo Uzvišenog Stvoritelja da nam pomogne i da nas nagradi za dobro koje činimo. Amin.

Sve informacije o toku izgradnje džamije možete dobiti u našoj džamiji ili posjetom naše web stranice.

www.bichamilton.com

Obavijest o kurbanima



Islamska zajednica Bošnjaka u Sjevernoj Americi (ICNAB) i ove godine, prema odluci Rijasetu IZ-e, organizira prikupljanje sredstava za kurbane. Podsjećamo da je kurbansko meso namijenjeno siromašnim muslimanima i za ishranu učenika naših Medresa i drugih islamskih prosvjetnih zavoda i socijalnih ustanova u Bosni i Hercegovini. Nabavku kurbana, njihovo klanje i distribuciju kurbanskog mesa, u skladu sa šerijatskim propisima, obavlja komisija Rijasetu IZ-e u BiH. Uplate u Kanadi mogu se izvršiti na blagajni bilo kojeg našeg džemata.

Krajnji rok je 11.oktobar zaključno. Na čeku treba naznačiti "kurban 2013." Cijena kurbana u BiH za ovu godinu je \$240 kanadskih. Uplate za kurban treba da se izvrše do 11.oktobra zaključno. Molimo Allaha Džellešanuhu da nam ukabuli i u sevab upiše sve naše ibadete.

Upitan je Poslanik s.a.v.s. za kurban, pa je rekao: "Kurban je sunnet vašeg oca Ibrahima a.s."

A šta mi imamo od kurbana Poslaniče? "Za svaku dlaku od kurbana upisat će vam se jedno dobro-haseneh" odgovorio je Muhammed a.s.

ZAŠTITITE VAS I VAŠU PORODICU OD RAZNIH ISKUŠENJA I NESREĆA KOJE MOGU U TOKU GODINE DA VAS ZADESE KLANJEM KURBANA!

Vašim kurbanom pomažete:

- studente Fakulteta islamskih nauka i Islamskih pedagoških akademija
- učenike medresa u Bosni i Hercegovini i Sandžaku
- muhadžire povratnike njihovim kućama i muhadžire u zbirnim centrima
- humanitarne institucije: javne kuhinje, bolnice, domovi za nezbrinutu djecu...

Bajram-namaz



Bajram namaz će se klanjati u **utorak 15. oktobra 2013. sa početkom u 8:30 AM** u Armeniskoj sali na adresi **191 Barton Street, Stoney Creek**. Sabah namaz će se klanjati u **7:00AM**. Molimo Vas da sa sobom ponesete sedžade.

Bajramsko sijelo

Tradicionalno bajramsko sijelo se održava u subotu **19. 10. 2013** sa početkom u **7 sahata poslije podne** u Armenijskoj sali na **191 Barton Street, Stoney Creek (preko puta naše džamije)**. Uz odličan sastav **Žute Dunje** i bogatu bajramsku večeru dođite i povedite vaše prijatelje na bajramsko druženje.

Počela nova školska godina mekteba i škole bosanskog jezika



Obavještavamo članove naše zajednice da je počela nova školska godina mekteba i škole bosanskog jezika. Mekteb i škola bosanskog jezika se održavaju svake nedeje od **11:30 do 1:45 u džamiji**. Upišite vašu djecu u mekteb i školu bosanskog jezika i tako ih na najbolji način pripremite za zaštitu od svih elemenata asimilacije, pripremite ih da jednog dana budu oni koji će braniti i jačati islamske, bošnjačke i bosanskohercegovačke vrijednosti u kanadskom Kulturnom mozaiku.

Popis stanovništva u BiH



Kao što znate Popis stanovništva u BiH se vrši od **1 do 15 oktobra** ove godine. Sve informacije o popisu imate na našoj web stranici ili na web stranice Instituta za istraživanje genocida, Kanada. Ne propustite šansu da učestvujete u popisu stanovništva u BiH 2013. To vam je farz, to vam je dužnost i obaveza i odgovornost za generacije koje dolaze, za našu djecu, unučad i praunučad. Samo sa Bošnjacima i Bošnjakinjama koji govore bosanski jezik može biti i Bosne i Hercegovine a i biće je, ako Bog da. Narod koji ne zna

koje i šta je, ne zna kojim jezikom govori i ne zna koja mu je vjera, ne može biti narod, ne može imati niti sačuvati državu a time je neprestano izložen porobljavanju, poniženju i na kraju istrebljenju.

Tokom trajanja popisa sve informacije o načinu popisa možete dobiti od **Emira Ramića na telefon 905 385 3606**.

Radnje koje su sunnet ili pohvaljene prije klanjanja bajram-namaza

Okupati se, namirisati i obući najljepše odijelo. Od unuka Allahova poslanika Muhammeda, a.s., h. Hasana se prenosi da je rekao: "Naredio nam je Allahov Poslanik, s.a.w.s., da za Bajrame obučemo najljepše odijelo, da se namirišemo najljepšim mirisom i da zakoljemo (kurban) najvrijednije što imamo." (El-Hakim)

Sunnet je pojesti neparan broj hurmi (voća ili nekakva slatka) prije izlaska na ramazanski Bajram-namaz, a za kurbanski bajram poslije klanjanja Bajram-namaza i to od svoga kurbana kojeg zakoljemo (u tome učestvuje čitava porodica).

Burejde je rekao: "Vjerovjesnik, a.s., ne bi izašao na Ramazanski bajram dok ne bi nešto pojeo, a za Kurbanski bajram ne bi jeo dok se ne bi vratio sa namaza." (Tirmizi, Ibn Madže i Ahmed).

Tekbir - i –tešrik

Ovaj tekbir je vadžib od sabaha dana Arefata (dan prije Kurban bajrama) do ikindije četvrtog dana Bajrama i to odmah iza farza. Ukoliko se zaboravi donijeti tekbir dužnost ga je proučiti čim se sjetimo. Tekbir-i-tešrik glasi: ALLAHU EKBER, ALLAHU EKBER, LA ILAHE ILLELLAH HUVALLAHU EKBER, ALLAHU EKBER, VE LILLAHI-L-HAMD (Allah je najveći, Allah je najveći. Nema drugog božanstva osim Allaha, Allah je najveći. Nema drugog božanstva osim Allaha, Allah je najveći. Allahu pripada svaka zahvala).

Kako provesti bajramske mubarek dane

Zabranjeno je ove dane postiti jer su to dani jela i pića. Vjerovjesnik, a.s., kaže: "Dani Kurban bajrama su dani jela, pića i sjećanja na Allah dž.š." (Ahmed i Muslim). Lijepo je čestitati bajram. Od Džubejr ibn Nufejra se prenosi da je rekao: "Ashabi Allahovog Poslanika, a.s., kada bi se sreli na dan Bajrama jedni drugima bi čestitali riječima "TEKABEL MINNA VE MINKE" (Neka Allah ukabuli/primi od nas i od vas). Dozvoljeno je na neki drugi način čestitati Bajram kao što je npr. kod nas uobičajeno riječima "BAJRAM ŠERIF MUBAREK OLSUN" (Neka vam je blagoslovljen Bajram) Lijepo je u dane Bajrama obveseliti svoju

porodicu (davanjem poklona, posvećivanjem veće pažnje...), više nego u drugim danima.

Za dane Bajrama treba se veselo držati pri susretu sa rodbinom i prijateljima iskazujući svoju pažnju i ljubav prema njima. Treba nastojati posjetiti što više rodbine i prijatelja.

Bajrami su dani igre, veselja i pjevanja pobožnih pjesama. Sve ovo treba biti u skladu sa propisima Šerijata, ne zanemarujući islamske dužnosti.

Vrijednost prvih deset dana zu-l-hidždžeta

Uzvišeni Allah u suri el-Fedžr kaže: "Tako mi zore i deset noći i parnih i neparnih." Ibn Abbas komentarišući ove ajete veli: "Noći kojima se Uzvišeni Allah zaklinje su deset prvih noći zu-l-hidždžeta," i parnih-šef" je prvi dan Kurban bajrama, a "neparnih-veťr" je dan Arefata." Uzvišeni Allah u suri el-Hadždž je rekao: "I da spominju Allahovo ime u poznatim danima." Kod većine učenjaka poznati dani (ejjam ma'lumat) su prvi deset dana zu-l-hidždžeta. Iz hadisa koji bilježi Buharija saznajemo da su ovo Allahovi, dž.š., najdraži dani u kojima se čine dobra djela. Stoga bi ove dane trebalo provesti: U zikru - spominjanju Allaha, dž.š. Imami Ahmed u svom Musnedu bilježi hadis: "Nema dana u kojima su djela velika i draga

Allahu kao u ovih deset dana. Pa u njima mnogo činite tehlil (izgovor la ilahe illellah), i tekbir (Allahu ekber) i tahmid (el-hamdu lillah)."

U postu. Hazreti Hafsa je rekla: "Vjerovjesnik, a.s., bi postio devet prvih dana zu-l-hidždžeta, ašuru i tri dana od svakog mjeseca.

Vrijednost dana Arefata

U suri el-Burudž Allah, dž.š., veli: "Kunem se nebom sa sazveždžem, i obećanim danom, i onim koji će svjedočiti, i onim što će se svjedočiti." Resullullah, a.s., je rekao: "Najvredniji dan kod Allaha je petak i on je šahid-onim koji će svjedočiti, a mešhud-onim što će se svjedočiti je dan Arefata, a el-jewmil-mew'ud je kijametski dan." Nagrada za post na dan Ašure je brisanje grijeha za proteklu godinu, a za post na dan Arefata za proteklu i sljedeću godinu. Vjerovjesnik, a.s., je rekao: "Nadam se da će post dana Ašure kod Allaha izbrisati grijeha za proteklu godinu." A u drugom hadisu kaže: "Post na dan Arefata je kefaret za proteklu i iduću godinu, a post na dan Ašure je kefaret za proteklu godinu." Islamski učenjaci to objašnjavaju činjenicom da je Ašura vezana za Musa, a.s., a Arefat za Muhammeda, a.s., pa mu je Allah, dž.š., tako ukazao veliku počast.